



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

complectens sanctos Mensium, Ivlivm Avgvstvm & Septembrem

Lippeloo, Zacharias

Coloniae Agrippinae, 1603

De Solennitate Exaltationis S, Crucis; quando Heraclius Impp. Cosrhoa persarum rege deuicto, eam de Perside Hierosolymam reportauit.

urn:nbn:de:hbz:466:1-42728

cap. 128.

*Præclara eius scripta.**Opus imperfectum in Mattheum eius nomine indignum. En mirabile eius visionem.**Translatio reliquiarum eius.**Vide Baron. in Not. hoc die & Tomo 8. Annal.*

Porro quod narratur prout spirituali de immensa gloria beatissimi Præfulis huius, ex visione quadam, ut fide carens & mendacis respersum, reiiciendum est. Vniuersam scripturam diuinam eum scriptis illustrasse, auctores sunt Cassiodorus, Sophronius & Suidas. Indignum verò planè est eius nomine circumferri 54. homil. illas, opus imperfectum in Mattheum appellatas: hæresibus scatentes. Tractatum quoque composuit, de eo quod nemo lædatur nisi à seipso: quæ eius vltima videtur lucubratio. Refert de eo S. Nilus epistola ad Anastasium: quod omni ferè tempore, quo diuinum incrementum offerebatur sacrificium, videret domum Domini refertam Angelorum cætu. Memoria autem eius ritu solenni in Ecclesia anniuersaria die celebrari incepit Calend. Octob. Anno salutis 428. sub Celestino Papa, Imp. Theodosio & Valentiniano.

Cæterum sacræ eius reliquæ fuere trigessimò primo ab obitu eius anno, qui fuit Christi 438. Theodosij Iunioris Imp. 31. Comanis Constantinopolim solennissima pompa translata: atque à Proclo Antistite, in SS. Apostolorum Basilica honorificentissimè recondita: sexto Calend. Februarij quo die celebris eius memoria, festiuo gaudio à quibusdam Ecclesijs recolitur.

DE SOLENNITATE EXALTATIONIS

S. Crucis; quando Heraclius Imp. Constantinopolim de Perside Hierosolymam reportauit.

COS.

COSRHOAS Persarum rex, extremis
Phocæ temporibus Aegypto & Aphrica
bello deuictis, ac Hierosolyma, multis
Christianorum admodum millibus cæsis, occu-
pata, Christi Domini crucem, quam Helena in
monte Caluariæ collocauerat, in Persidem ab-
tulit. Itaque Heraclius, qui Phocæ successerat, fert,
multis belli incommodis & calamitatibus affe-
ctus, pacem petebat, quam à Cosrhoa victorijs
insolente ne iniquis quidem conditionibus im-
petrare poterat. Quare in summo discrimine
assiduus ieiunijs & orationibus exercens, o-
rem à Deo vehementer implorabat: cuius mo-
tus, exercitu comparato, signa cum hoste cõ-
tulit, ac tres duces Cosrhoæ cum tribus exerci-
tibus prospero Marte superauit. Quibus cladi-
bus fractus Cosrhoas, in fuga, qua traicere Ti-
miparabat, Mardefam filium socium regni
designat. Sed eam contumeliam cum Syroes
Cosrhoæ maior natus filius ferret atrociter,
patri simul & fratri necem machinatur; quam
paulò post utrique ex fuga retracto attulit:
atque ita regnum ab Heraclio impetrauit,
quibusdam acceptis conditionibus; quarum
prima fuit, ut Crucem Christi Domini resti-
tueret.

Ergò Crux decem & quatuor post annis quã
in Persarum potestatem venerat, recepta est:
quam rediens Hierosolymã, à Heraclio solẽ-
ni celebritate suis humeris in eum montẽ re-
tulit, quo eam Saluator tulerat. Quod factum
illustri, miraculo commendatum est. Nam He-
raclius, ut erat auro & gemis ornatus, insiste-
re coactus est, in porta quæ ad Caluariæ mon-

14. Septẽ.

*Cosrhoas rex
Crucem Do-
mini in Per-
sidem trans-
fert.*

*Heraclij
pietas pro
recuperanda
Cruce Domi-
ni.*

*Cosrhoæ
filij mors.
Heraclius
crucem re-
cipit.*

*a Contigere
hæc anno e-
ius Imperij
19 qui fuit
Domini 628.
Honorij Pa-
pæ 3.
Nota insigne
miraculum.*

tē ducebat: quo enim magis progredi conabatur; cō magis retineri videbatur: cumque ea re & ipse Heraclius & reliqui omnes stupore defixi hererent, Zacharias Hierosolymorum Antistes; Vide, inquit, ô Imperator ne isto triumphali ornatu in Cruce ferēda, parū Iesu Christi paupertatem & humilitatē imitere. Tū Heraclius, abiecto amplissimo vestitu, detractisque calceis, ac plebeio indutus amictu, reliquū viæ facile confecit; & in eodem Caluariæ loco Crucem statuit, vndē fuerat à Persis asportata. Itaque decretum est, vt quotānis, Exaltationis Crucis memoria celebraretur, quod ibidē fuerat reposita ab Heraclio, vbi Saluatori primū fuerat constituta. Agunt & Græci hac die Solennitatem Exaltationis S. Crucis, non tamē quādo per Heraclium Imp. deuictō Cosrohe restituta est; sed cū Constantino Imperante, gloria exaltatæ Crucis, maiori fulgore in orbe effulsit. Exstat tractatus egregius Epiphanijs Episcopi, de signo Crucis quod apparuit Constantino Magno Imperat. Græci itaque longē antē Heraclij tempora, hac ipsa die eiusmodi celebritatem agebant: Latini etiam antē Heraclij tempora hanc diem Exaltationi S. Crucis dicaram coluisse videntur; nam in Sacramentario S. Gregorij de eadem hac die agitur. Putatur itaque eādem solennitatem multō prius celebrari solitā; tanta deindē parva victoria, auctam; redditamque ex eius rei memoria illustriorem.

*Hæc C. Baron. in Not.
ad Martyr.
Roman.*